

I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

Arabako Foru Aldundia

INGURUMEN ETA HIRIGINTZA SAILA

86/2019 Foru Agindua, apirilaren 3koa. Zigoitiko udalerriko Etxabarri Ibiña herrian, lurzoru urbanizaezinean, telefonia mugikorreko deien banagune bat eraikitzeke proiektuaren interes publikoa deklaratzeko

Telefónica Móviles España SAK Zigoitiko Udalari aurkeztu dio teléfono mugikorreko deien banagune bat ezartzeko obra eta jarduera proiektua. Instalazioa, 34 metroko garaiera duen metalezko dorre bakartu batek osatua, hari itsatsitako armairuarekin, eta itxitura perimetralaz inguratua, Etxabarri Ibiña herriko 6 poligonoan, 566 zenbakiko lurzatian, kokatuko da. Erabilera berrirako 20 m²-ko azalera egokitu beharko da, eta proiektuan jaso da hiri lurzorutik lurpean linea bat instalatzea hartune elektrikorako.

Zigoitiko Udalak espedientea bidali du, eta eskatu du izapidetu dadila proiektuaren interes publikoaren adierazpena, ekainaren 30eko 2/2006 Legeak, lurzoru eta hirigintzarenak, 28.5.a) artikuluan xedatutakoa betetzeko.

Espedientean dago proiektu tekniko ikus-onetsia, telefonia mugikorreko estaziogune bat jartzeari buruzkoa (0100511 Etxabarri Dibiña COC: 201806002062 eta COC: 201806002066), baita udal arkitektoak eginiko txostena ere, zeinean adierazten baita lurzatia lurzoru urbanizaezinean dagoela, 4 zonan (itxuraberritu beharreko basogintzako babes zona), udalerrian indarrean dauden arau subsidiarioen arabera.

OINARRI JURIDIKOAK

Ingurumen eta Hirigintza Sailak eskumena du aztertzen ari den espedientea ebazteko, diputatu nagusiaren uztailaren 3ko 133/2015 Foru Dekretuaren arabera eta sailaren egitura organiko eta funtzionala onetsi zuen Diputatuen Kontseiluko otsailaren 9ko 17/2016 Foru Dekretuko 18.c) artikuluan xedatutakoaren arabera.

Lurzoru eta hirigintzari buruzko ekainaren 30eko 2/2006 Legeak 28.5.a) artikuluan xedatzen duenez, lurzoru urbanizaezinean ezingo dira gauzatu aplikatzekoa den arloko legediak edo lurralde antolamenduak interes publikoa aitortzen dien zuzkidura, ekipamendu eta jarduerak berriaz ezartzeko jardunak baizik, zeinak, betiere, dagokion foru diputatuak ebazpen bidez izendatu behar baititu interes publikoko, hogeitaz jendaurrean edukitzeko izapidea bete ondoren.

Otsailaren 11ko 35/2019 Foru Aginduaren bidez, xedatu zen espedienteari hasierako onarpena ematea eta jendaurrean ipintzeko 20 eguneko epe bat hastea, ALHAOn argitaratzen zenetik aurrera. Argitalpena 2019ko 23. zenbakian egin zen, otsailaren 22an. Horretarako emandako epearen barruan, ez da aurkeztu inolako alegaziorik.

Maiatzaren 9ko 9/2014 Lege Orokorrak, telekomunikazioenak, 2. artikuluan ezarritakoaren ondorioz datorkio interes publikoa aztertutako kasuari. Artikulu horretan ezartzen denez, "Telekomunikazioak interes orokorreko zerbitzuak dira eta lehia askearen araubidean ematen dira." Beste alde batetik, 34.2 artikuluan hau xedatzen da: "komunikazio elektronikorako sare publikoak oinarrizko ekipamenduak dira (...). Haien ezarketa eta hedapena interes orokorreko obrak dira."

Azpiegiturak berak dituen ezaugarriengatik jarri behar da landa lurretan.

Eta aurreko guztiagatik, dagozkidan ahalmenak erabiliz, honako hau

XEDATZEN DUT

Lehenengoa. Telefónica Móviles España SAK sustatutako eta Zigoitiko Udalak izapidetutako proiektuaren interes publikoa deklaratzeko. Proiektua honetan datza: telefonia mugikorrek deien banagune bat ezartzea Etxabarri Ibiña herriko 6 poligonoko 566 lurzatian, lurzoru urbanizaezinean (Basoa babesteko lehengoratu beharreko zona Z4), udalerriko arau subsidiarioetan ezarritakoaren arabera, eta Lurzoru eta Hirigintzaren Legeak (2/2006 Legea, ekainaren 30ekoa) 28.5.a) artikuluan xedatutakoarekin bat etorriz.

Bigarrena. Deklarazio honek ez du kentzen proiektua gauzatzeko udalaren baimen egokia lortzeko beharra, eta ez du aurrez juzgatzen udalak eman behar duen ebazpenaren edukia.

Hirugarrena. Interes publikoa deklaratzeko ez du administrazio bidea amaitzen, ez eta horrek aurrera egin dezan eragozten ere. Beraz, ez dago haren aurkako errekurtsorik aurkezterik. Udalak, dagokion administrazio egintza emateko eskumena duen organoa den aldetik, baimena emateko edo ukatzeko hartzen duen ebazpenaren aurka bakarrik jarri ahal izango da errekurtsua.

Vitoria-Gasteiz, 2019ko apirilaren 3a

Ingurumen eta Hirigintza Saileko diputatua
JOSEAN GALERA CARRILLO